



天
存
叢
書

增
563
6



14

木村榮市君
贈此書以為
其榮考紀念
維時明治三
十九年九月
新編圖書



兩京新記卷第三

唐韋述撰

卷首京城之壯觀寺內有碑面文賀蘭敏之寫金

剛經陰文寺僧懷仁集王羲之書寫太宗聖教序

及高宗述聖記為時所重

次東曰輔興坊東南隅金仙女官觀

景雲二年睿宗第八女西城公主及第九女昌宗

公主竝出家為立三觀改西城為金仙昌宗為玉

真乃以公主湯沐邑為二觀之口制度造為京城

之華麗口

西南隅玉真女官觀

本工部尙書莘國公竇誕宅武太后時以其地爲崇先府景雲二年爲玉真公主立爲觀事源物制與金仙同此二觀南街東當皇城之安福門西出京城之開遠門車馬往來寔爲繁會而二觀門樓綺榭聳對通衢西土夷夏自遠而至者入城遙望窅若天中

次南曰頒政坊南門之東龍興寺

貞觀五年太子承乾所立西北隅本隋之慧雲寺舊有佛殿今見在有鄭法輪之書跡

十字街東之北建法尼寺

隋開皇三年坊人田通所立隋文帝初移都便出寺額一百枚於朝堂下制云有能修造任便取之通孤貧孑然唯有環堵之室乃發憤詣闕請額而還置於所居柴門甕牖上穿下漏時陳臨賀王叔教母與隣居又捨宅以足之其寺口漸營建也

十字街北之東澄空尼寺

本工部尙書段綸之祖廟貞觀十七年立爲真空寺武太后改爲澄空寺

西北隅大崇福觀

本楊士宅咸亨中爲太平公主立有道士劉寶概者京兆三原人善講論爲時所重垂拱中卒御史中丞李嗣真臨弔哭賦詩申意

次南曰布政坊西門之南法海寺

本隋江陵總管清水公賀稜華宅開皇七年爲□沙門法海捨宅奏立爲寺因以法海爲名咸亨元年寺內有英禪師□□見鬼寺主沙門惠簡嘗日晚見二人行不踐地入英房中惠簡怪而問之英曰向秦莊襄王遣人傳語飢虛甚久以師大慈從師乞一殮并從者三百許人勿辭勞費也吾已報

云後日晚食當來專相候也惠簡便以酒脯助之至時秦王果至侍從甚衆貴賤羅列食甚急謂英曰弟子不食八十年矣英問其故答曰吾生時未有佛法地下見責功德吾但以放赦矜恤應之以非福薄受罪未了受此一殮更□年矣因指坐上人曰此是白起此是王翦爲殺人多受罪未了又指一人云是陳軫爲多虛詐亦受罪未了英曰王何不從索食自受飢窘答曰慈心人少且餘人又不相見吾貴人又不可妄作禍崇所以然也因指酒脯曰寺主將來耶深有所媿臨去謂英曰甚媿禪

師弟子有物在卽這相償城東通化門尖冢是弟子墓俗人不知妄云呂不韋冢英曰往遭赤眉發掘何得更有物在鬼曰賊將龜物去好者深藏取不得今見在英曰貧道出家無用物處必莫將來言訖揖謝而去

北門之東濟法寺
隋開皇二年沙門法藏所立
十字街東之北明覺尼寺
本隋御史大夫裴蘊宅開皇中太保河間王弘立爲寺開皇七年鑄鐘未擊自鳴散騎常侍元行冲

以贊其事焉

東北隅右金吾衛西南隅胡祇祠
武德四年所立西域胡天神佛經所謂摩醯首羅天也
次南曰延壽坊南門之西懿德寺

隋開皇六年刑部尙書萬安公李圓通所立神龍元年中宗爲懿德太子追福重加飾爲禪院內有大石曰重五百斤隋末鄆縣人開法通自終南社來法通少出家初極怯劣同侶輕之乃發憤乞願壯健晝夜不捨後因晝寐樹下口中涎沫流出三

升其母驚遽呼覺通曰忽夢大人遣三馱飭使通
噉之適噉一馱便驚悟耳白爾健壯特異試舉大
木石不以爲困此寺僧行戡本稱膂力通遂竊其
袈裟舉堂柱以壓之行戡望見驚異盡力莫能取
之通乃徐舉柱以取衆大駭通力兼百人時人咸
大服以爲神力

次南曰光德坊東南隅京兆府廨

後魏武光四年置府內廨宇竝隋開皇中制度其
後隨事改作開元元年孟溫禮爲京兆尹奏以贖
贖錢修理繕緝焉

西南隅勝光寺

本隋幽州總管燕榮宅寺西院有畫行僧及團花
貞觀初中口令王定所寫爲京城所重
十字街東之北慈悲寺

武德元年高祖爲沙門曇獻所立初曇獻屬隋隋
末飢饉常以賑給貧乏爲事故以慈悲爲名

次南曰延康坊西南隅西明寺

本隋尙書令越國公楊素宅大業中素子玄感誅
後沒官武德初爲萬春公主宅貞觀中賜濮恭王
恭王死後官市立寺寺內有楊素舊井玄感被誅

家人以金投井後人窺見鉤汲無所獲今寺衆謂之靈井在僧廚院內初楊素用事隋朝奢僭過度製造珍異資貨儲積有美姬本陳太子舍人徐德言妻卽陳主叔寶之妹才色冠代在陳封樂昌公主初與德言夫妻情義甚厚迨陳氏將亡德言垂泣謂妻曰今國破家亡必不相保以子才色必入帝王貴人家我若死幸無相忘若生亦可不復相見矣雖然共爲一信乃擊破一鏡各收其半德言曰子若入貴人家幸將此鏡合於正月望日市中貨之若存當留誌之可卜生死及滅陳其妻果爲

隋軍所沒隋文以賜素深爲素所寵嬖爲營別院恣其所欲陳氏後令闍奴望日賫破鏡詣市務令高價果值德言德言隨價便酬引奴歸家垂涕以告其故并取己片鏡合之及寄其妻題詩云鏡與人俱去鏡歸人不歸無復姮娥影空餘明月輝陳氏得鏡見詩悲愴流淚因不能飲食素怪其憔悴而問其故具以事告素憐然爲之改容使召德言還其妻并衣衾悉與之陳氏臨行素邀令作詩敘別固辭不免乃爲絕句曰今日何遷次新官對舊官笑啼俱不敢方驗作人難時人哀陳氏之流落

而以素爲寬惠焉

東南隅靜法寺

隋開皇十年右武侯大將軍陳國公竇機立西院
中有木浮閣機弟璉爲母成安公主立高一百五
十尺皆伐機園梨木充用焉

次南曰崇賢坊十字街北之西大覺寺

開皇三年文帝鑿人周子祭所立子祭家代方術
深爲隋主所重其地本祭之佛堂也

西門之南法明尼寺

開皇八年長安富商王道賓捨宅所立

次南曰延福坊西南隅紀國寺

開皇六年獻皇后爲母紀國夫人崔氏所立也

東南隅鄴王府

舊新都寺寺廢今爲鄴王府

次南曰永安坊次南曰敦義坊次南曰大通坊次南
曰大安坊

坊南街抵京城之東面

右皇城西之十三坊

朱雀街西之第四街卽皇城第三街街西從北第一
曰安定坊東南隅千福寺

兩京雜記 卷三 七
本章懷太子宅咸亨四年捨宅立爲寺

西南隅福林寺

武德元年所立

東北隅五通觀

隋開皇八年爲道士焦子順所立子順能驅使鬼神受諸符錄預告隋文受命之應及卽位授上開府永安公徐州刺史固辭常諮謀軍國每出卧帝恐其往還疲頓令選近於此立觀仍以五通爲名焉

次南曰休祥坊東北隅崇福寺

本開府儀同三司觀國公楊恭仁宅咸亨元年以武皇后外氏故宅立之

東南隅萬善尼寺

周宣帝大象二年立開皇二一年度周氏皇后嬪御以下千餘人爲尼以處之也

寺西昭成尼寺

先天二年爲昭成皇后立爲昭成寺

次南曰金城坊

本漢博望苑之地初移都割以爲坊百姓分地板築土中見金欲取便以事上聞隋文曰此朕之金

兩京雜記 卷三
城之化因以金城爲坊名

北門有漢戾園

卽戾太子史良娣墓宣帝改葬於此其地本日亭園東南漢博望苑

漢武帝爲戾太子立木口門外道之東也

東南隅開善尼寺

隋開皇中宮人陳宣華蔡容華二人所立

西南隅會昌寺

義寧元年義師入關太宗屯兵於此武德元年因立此寺

十字街之東南樂善寺

開皇六年尉遲迥孫大師爲其祖所立焉

次南曰醴泉坊

開皇初築此坊忽聞金石之聲因掘得甘泉七所飲者疾愈因以名坊及寺焉

西南隅三洞女官觀

隋開皇七年所立也

觀北妙勝尼寺

開皇三年周平原公主所立

十字街北之西醴泉寺

初隋文置此醴泉監以甘泉水供御開皇十三年廢監立寺焉

十字街南之東波斯胡寺

儀鳳二年波斯王畢路斯奏請於此置波斯寺

西北隅穉祠次南曰西市

隋曰利人市南北盡兩坊之地隸太府寺市内店肆如東市之制市署前有大衣行雜糴貨賣之所記言反說不可解識市西北有溝池以爲放生之所池則有佛堂皆沙門法成所造市署前有市令載敏碑蒲州司兵徐彥伯爲其父也

次南曰懷遠坊東南隅大雲經寺

開皇四年文帝爲沙門法經所立

寺內有二浮閣東西相值

隋文帝立塔內有鄭法倫田僧亮揚契丹畫跡及巧工韓伯通所作佛像故以三絕爲名

十字街東之北功德尼寺

隋開皇七年周宣帝女細腰公主所立武德中移於此

次南曰

下闕四行

成當往及經畢開元四年八十一卒給事中裴子
餘爲其碑文左衛長史郭謙光八分書之
次南曰永遠坊次南曰道德坊

隋有澄虛觀武德中廢

次南曰光行坊次南曰延祚坊
坊南街抵京城之南

右朱雀街西九坊

朱雀街西第二街此當皇城南面之含光門街西從

此第一曰太平坊西南隅溫國寺

景龍九年煬帝爲溫主立寺內淨土院爲京城之
最妙

西門之北定水寺

隋開皇十年荊州總管上明公楊紀爲禪師慧能
所立

東南隅舒王口名宅

今爲戶部尙書尹思貞居之

次南曰通義坊西南隅興聖尼寺

高祖潛龍舊宅武德元年以爲通義宮六年高祖

臨幸大宴羣臣引見隣里父老頒賜有差貞觀元年立爲寺高祖寢堂今見在景雲二年寢堂前枯柿樹忽更生枝條鬱茂如故有勅封植焉

次南曰興化坊西南隅空觀寺

隋開皇七年右衛大將軍駙馬都尉洵陽公元孝矩捨宅立

西門之北今邠王守禮宅

宅南隔街有邠王府

次南曰崇德坊西南隅崇聖寺

隋仁壽元年秦孝王俊捨宅所立

東北隅證果尼寺

隋開皇二年立

次南曰懷真坊西南隅御史大夫樂思晦宅次南曰宣義坊次南曰豐安坊次南曰昌明坊次南曰安樂坊

坊南街抵京城之南面

右朱雀街西第二街九坊

朱雀街西之第三街卽皇城西之第一街重其坊南出安化門北出芳林門入苑街西從北第一曰循德坊西北隅興福寺

本左領軍大將軍彭國公王君廓宅貞觀八年太宗爲穆皇后竇氏追福立制度華麗焉武太后移住東都至坊北隅有牛住不行牽口益重其尼拜咒便動至都置於天堂供養後天堂災因是燼滅次南曰通軌坊次南曰歸義坊全一坊隋蜀王秀宅隋文帝以京城南面闊遠恐竟虛廢乃使諸子竝於南郭立第時秀有寵封土殷富起第最華今周圍舊迹見在秀死後口宮今爲家令寺園

次南曰昭行坊

坊南街抵京城之南面

右皇城西之第二街之十一坊及西市

朱雀街西第五街卽皇城西第三街街西從北第一曰修真坊

今坊之南門門扉卽周之太廟門板也

坊內有漢靈臺

漢平帝元始四年所立望雲物之所今餘址高五尺周圍一百二十步

次南曰普寧坊

南街西出通開遠門

坊西街有漢大學餘址

其地本長安故城南安門之外焉

次東漢辟雍

漢元始四年所立

東南隅東明觀

明慶元年孝敬升儲所立規度□西明之制長廊
廣殿圖畫雕刻道家館舍無以爲比觀內有道士
馮黃庭碑又有道士巴西李榮碑永樂李正己爲
其父也

十字街東之北靈化寺

隋開皇二年沙門善告所立其地本告之宅講堂

□有古冢不詳姓名高五丈僧徒射暮□人儀仗
偉然乘白馬著白袴褶翼從甚衆或有墾掘冢土
多見災異焉

西北隅穉祠次南曰義寧坊南門之東化度寺

隋左僕射齊國公高潁宅開皇三年潁捨宅奏立
爲寺時有沙門信行自山東來潁立院以處之乃
撰三階集三十餘卷大率以精苦忍辱爲宗言人
有三等賢愚中庸今並教之故以三階爲名其化
頗行故爲化度寺寺內有無盡藏院卽信行所立
京城施捨後漸崇盛貞觀之後錢帛金繡積聚不

兩京雜記 卷三
可勝計常使名僧監藏藏內所供之伽藍時常修理不使稍有晦色燕涼蜀趙咸來取給每日所出亦難勝數或有舉便亦不作文約但往至期還送而已貞觀中有裴玄智戒行修謹入寺灑掃十數年間寺內徒眾以其行無玷缺使守此藏後密盜黃金以前後所積過多故寺眾莫之知也口便不還眾驚觀其寢房內題詩云將軍遣狼口放置狗前頭自非阿羅漢誰能免作偷竟不知所武太后移此藏於東都福先寺天下物口遂不復集乃還移舊所開元元年勅令毀除所有錢帛供京城諸寺修緝毀壞其事遂廢

西北隅積善尼寺

隋開皇十三年左僕射高穎妻賀拔氏所立其地本賀拔氏之別第人階口人口也十字街東之北波斯胡寺次南曰居德坊口口口口南街西出通金光門坊內有隋依法寶岸疑觀寺大業中口時疑觀寺有僧法慶口口口口紉像未成恭死時寶昌寺僧大智同日亦卒三日口口去見官曹室殿上有一口口若王者見法慶在前有一像忽來爲殿上人曰慶口我口口何乃令死便

兩京雜記
檢之簿云慶食書而命未終殿上□□□給荷葉
以終其年言訖而忽失所在大智便蘇衆異之乃
往凝觀寺問慶時亦蘇說□□問遂不復能令每
日朝進荷葉而拔齊時進八□知□終身周流請
乞以成其□□今見在光天寺文渭南人單道琮
永徽中因病風瘡後日所具食不復經口但噉土
飲水以終其身時人謂□人□也

東南隅光天寺

□□□漢園邱餘址光天元年改爲光天寺

西北隅普□寺

開皇七年突厥開府儀同三司鮮于遵義捨宅立
寺傳□□磨帝西域胡人善咒術常咒枯楊使生
枝葉

南門之西奉恩寺

本將軍尉遲樂宅神龍二年立爲寺也

次南曰羣賢坊東門之南直長受坊西南隅長安縣
廨

去府六里

南門之東永泰寺

神龍中中宗爲永泰公主追福所立寺內東精舍

有隋中大夫鄭法士畫釋迦滅度之變左口廊有
滕王庫真李雅畫聖僧之跡也

北門之東大法寺

武德中左光祿大夫口遠所立焉

十字街西之北崇義寺

武德二年桂陽公主爲駙馬趙慈景所立焉

次南曰嘉會坊西南隅褒義寺

本隋大保吳武公尉遲剛宅初剛兄迴置妙象寺
於故都城中移都後剛捨宅復立於此改名褒義
寺故殿堂口字竝故都舊寺之材木

十字街西之北靈安寺

武德三年高祖爲衛懷王玄霸所立

次南曰永平坊東門之宣化尼寺

隋開皇五年周昌樂公主及駙馬都尉尉遲安捨
宅立寺爲金剛上人雍法雅所製頗有靈跡有一
尼常傾心供養

口心尼寺

開皇八年宦者儀同宋祥捨宅所立也

十字街東之北真化尼寺

開皇十年冀州刺史馮臘捨宅所立

東南隅中宗昭容上官氏宅

今爲南陽縣主所居之

次南曰懷德坊

口門之東舊有富商鄭鳳熾宅鳳熾肩高背曲形似駱駝時人號爲鄭駱駝其家巨富金玉資貨不可勝計常與朝貴遊往因是勢傾朝市邸店田宅遍滿海內其家男女婢僕口口玉食服用器物皆盡一時之口常嫁女娶婦口請朝士拜常賓客數百人衆皆愕然不知孰是口婦又嘗謁見口高祖請市終南山山中每樹口絹一疋自云山樹雖盡

而臣絹未竭事雖不行終爲貴賤之所驚後犯事流瓜州會赦還及卒後子漸以窮迫又有富商王元寶者年老好戲謔出入市里爲人所知時人以有錢爲元寶字因呼錢爲王老焉

西南隅羅漢寺

開皇六年雍州牧楚公豆盧勣所立也口口之先問周隋問房氏知名曰皆云是從祖從叔次日豐邑公相與公遠近亦云是族叔其人大笑曰公是方相姪兒只可嚇鬼何爲誑人自是大媿遂不敢誑矣

東北隅淨虛觀

開皇七年隋文帝為道士呂所立呂卻穀練氣故以淨虛為名

次南曰待賢坊

此坊隋初立天下諸州朝集使邸故以待賢名之東北隅會聖觀

開皇七年隋文帝為秦王孝俊所立

南曰瀉和坊東南隅隱太子廟次南曰常安坊東南隅章懷太子廟

神龍中所立也

次南曰和平坊

坊內南北街之東築大莊嚴寺街西曰總持寺

次南曰陽坊

坊西南即京城之西南隅也

半已東大莊嚴寺

隋初三年為獻后立為禪定寺宇文愷以京城西有昆明池地勢微下乃奏於此建木浮圖高三百三十仞周匝百二十步寺內複殿重廊天下伽藍之盛莫與為比大業末此寺有僧智興

□□□□□□□□

十字街西之北辨才寺

本鄭孝王亮隋代舊宅亮子司空淮安王神通以開皇十年爲沙門智疑立此寺於羣賢坊以智疑辨才不滯因名寺焉武德二年移於此

東門之北慧日寺

開皇六年立本富商張通宅捨而立寺通妻陶氏常於西市鬻飯精而價賤時人呼爲陶寺寺內有

九層浮圖一百五十尺貞觀三年沙門道口所立

次南曰崇化坊東南隅龍興觀

貞觀五年太子承乾有疾勅道士秦英祈禱獲愈

遂立此觀垂拱中有道士成玄英長於言論著口老數部行於時也

東門之北經行寺

本長安令屈突蓋宅開皇十年邑人張緒市所立

焉

西南隅淨樂尼寺

隋開皇六年所立

次南曰豐邑坊

南街西通口平門此坊多假賃方相送喪之具武德中有一人姓房好自矜闊闕朝廷衣冠皆認以

兩京雜記 卷三
三
爲近屬有一人惡其如此設法云三途六趨聞此
解脫時仲冬寒烈掌中凝□□□告倦後寺僧三
果有元住待賢坊因從煬帝南幸忽成夢其妻曰
五至彭城不達病死生於地獄艱苦□備嘗今日
初聞禪定寺智興師鳴鐘響徹地獄同受苦者一
時解免今得託生思報其恩□具絹與之妻覺不
信又夢如初妻辭以家貧無所得絹答曰有吏枉
得絹三十疋不合得用今吾將來置於後牀與是
足矣妻驚覺持火照牀果有絹三十疋遂發哀持
絹送寺數日而凶問至武德元年改爲莊嚴寺

半已西大總持寺

隋大業元年煬帝爲父文帝立初名禪定寺制度
與莊嚴同亦有木浮圖高下與西浮圖不異武德
元年改爲總持寺今莊嚴總持卽隋文獻后宮中
之號二寺門額竝少詹事殷令名所書竹林傳云
隋代所賜至今儼然

右皇城西第三街之十三坊

亦可因以概見則在好古者尤宜所珍尚者焉抑且
觀隻羽片鱗可想見龍鳳之姿也已未秋八月小盡
日天瀑識東西京隋川無矣舊以歸其書繼亦而
泉山似嶽其外外嶽又隨常人未察其書與寧
豈大昌藝幾則源楚少於幾歸嘗一以之而其於
不完然然可昔与好中對善對得此書香聯罕
賦云寫金碧文車本似景書之流賦也聞人矣其
得古姓本一冊以其第三谷而首与關樓源賦身
惠草遊對兩京雜詠正谷宋史藝文志刊善幾千
賦兩京雜詠

故中書令鄭國公李嶠雜詠百二十首序

登仕郎守信安郡博士張庭芳撰

嘗覽尊德敘能述古不作竊所企慕情發于中顧有
闕於慎言誠見貽於尤悔者矣然夫禁雞雖謬周鼠
徒珍猶遇兼金以答豈獨胡盧致哂頃尋繹故中書
令鄭國李公百二十詠藻麗詞清調諧律雅宏溢逾
於靈運密緻掩於延年特茂霜松孤懸皓月高標凜
凜千載仰其清芬明鏡亭亭萬象含其朗耀味夫純
粹罕測端倪故燕公刺異詞曰新詩冠宇宙斯言不
佞信而有徵於是欲罷不能研章摘句輒因註述思

鬱文繁庶有補於琢磨俾無至於凝滯且欲啟諸童
稚焉敢貽於後賢于時巨唐天寶六載龍集強圉之
所述也

李嶠雜詠百二十首上目錄

乾象部十首

日月星風雲煙露霧雨雪

坤儀部十首

山石原野田道海江河路

芳草部十首

蘭菊竹藤萱萍菱菰茅荷

嘉樹部十首

松桂槐柳桐桃李梨梅橘

靈禽部十首

鳳鶴烏鵲鴈鳧鶯雀雉燕

祥獸部十首

龍麟象馬牛豹熊鹿羊兔

蘭蓀竹蕙萱荷葵麻芙蓉

芳草部十首

山石樹理田畝溝池竹

雜部十首

日月星風雲霧霜露雨雪

雜部十首

李嶠雜詠百二十首上目錄

李嶠雜詠

乾象部十首

日

日出扶桑路遙昇若木枝雲間五色滿霞際九光披

東陸蒼龍駕南郊赤羽馳傾心比葵藿朝夕奉堯曦

月

桂生三五夕冀開二八時分暉度鵲鏡流影入蛾眉

皎潔臨疏牖玲瓏鑿薄帷願陪北堂宴長賦西園詩

星

蜀郡靈槎轉豐城寶氣新將軍臨北塞天子入西秦

未作三台輔寧爲五老臣今宵潁川曲誰識聚賢人
風

落日正沈沈微風生北林帶花疑鳳舞向竹似龍吟
月影臨秋扇松聲入夜琴若至蘭臺下還拂楚王襟
雲

大梁白雲起氛氲殊未歇錦文觸石來蓋影凌天發
煙煇萬年樹掩映三秋月會入大風歌從龍起金闕
煙

瑞氣凌丹閣空濛上翠微迥浮雙闕路遙拂九仙衣
桑柘凝寒色松篁晴晚暉還當紫霄上時接白雲飛

露

滴瀝明花苑葳蕤泣竹藜玉垂丹棘下珠湛綠荷中
夜警千年鶴朝晞八月風願疑仙掌內長奉未央宮

霧

曹公之夢澤漢帝出平城別有丹山霧玲瓏素月明
類煙迷更重方雨散還輕儻入飛熊夢寧思立豹情

雨

西北雲膚起東南雨足來靈童出海見神女向山迴
斜影風前合圓文水上開十旬無破塊九土信康哉

雪

百二十詠 二
瑞雪驚千里從風暗九霄地疑明月夜山似白雲朝
逐舞花光散臨歌扇影飄大周天闕路今日海神朝

坤儀部十首

山

仙嶺鬱氤氳峨峨上翠氛泉飛一道帶峯出半天雲
古壁丹青色新花錦繡文已開封禪處希謁聖明君

石

宗子維城固將軍飲羽威巖花鏡裏發雲葉錦中飛
入宋星初落過湘燕早歸儻因持補極寧復想支機

原

王粲銷夏日江淹起恨年帶川遙綺錯分隰迴阡眠
廡廡橫周甸莓莓開晉田方知急難響長在鶴鴒篇

野

鳳去秦郊迴鶉飛楚塞空蒼梧雲影去涿鹿霧光通
草暗平原綠花明春徑紅誰言版築士獨在傅巖中

田

貢禹懷書日張衡作賦晨杏花開鳳畛菖葉布龍鱗
瑞麥兩歧秀嘉禾九穗新寧知帝王力擊壤自安貧

道

銅馳分鞏洛劔閣抵臨邛紫微三千里青樓十二重

玉關塵似雪金穴馬如龍今日中衢土堯樽更可逢
海

習坎疏丹壑朝宗合紫微三山巨鼈踊萬里大鵬飛
樓寫春雲色珠含明月輝會當添霧露方遂衆川歸
江

日夕三江望靈潮萬里迴霞津錦浪動月浦練光開
瀨似黃牛去濤如白馬來英靈已傑士誰識卿雲才
河

河出崑崙中長波接漢空桃花生馬頰竹箭入龍宮
德水千年變榮光五色通若披蘭葉檢還沐上皇風

洛

九洛韶光媚三川物候新花明珠鳳浦日映玉雞津
元禮期仙客陳王靚麗人玄龜方錫瑞綠字佗來臻
芳草部十首

蘭
虛室重招尋忘言契斷金英浮漢家酒雪麗楚王琴
廣殿輕香發高臺晚吹吟汾河應擢秀誰肯訪山陰

菊
玉律三秋暮金精九日開榮舒洛媛浦香泛野人杯
蘿靡寒潭側芼茸曉岸隈黃花今日晚無復白衣來

竹

高籜楚江濱
蕭條含曙氛
白花搖鳳影
青節動龍文
葉拂東南日
枝捎西北雲
誰知湘水上
流淚獨思君

藤

吐葉依松磴
舒苗長石臺
神農嘗藥罷
質子寄書來
色映蒲萄架
花浮竹葉杯
金堤不相識
玉潤幾年開

萱

履步尋芳草
忘憂自結蓂
葉舒春夏綠
花吐淺深紅
色湛仙人露
香傳少女風
含貞北堂下
曹植動文雄

萍

二月虹初見
三清蟻正浮
青蘋含吹轉
紫葉映波流
屢逐明神薦
頻隨旅客遊
既能甜似蜜
還冀就王舟

菱

鉅野昭光媚
東平春溜通
影搖江浦月
香引棹歌風
日色翻池上
潭花發鏡中
五湖多賞樂
千里望難窮

瓜

欲識東陵味
青門五色瓜
龍蹄遠珠履
女臂動金花
六字方呈瑞
三仙實可嘉
終期奉絺綌
謁帝佗非賒

茅

楚國供王日
衡陽入貢年
麋苞青野外
鷄嘯綺楹前

堯帝成茨罷殷陽祭雨旋方期大君錫不懼小巫捐
荷

新溜滿澄陂圓荷影若規風來香氣遠日落蓋陰移
魚戲排細葉龜浮見綠池魏朝難接影楚服且同枝

嘉樹部十首

松

鬱鬱高山表森森幽澗垂鶴栖君子榭風拂大夫枝
百尺條陰合千年蓋影披歲寒終不改勁節幸君知

桂

未殖銀宮裏寧移玉殿幽枝生無限月光滿自然秋

俠客條爲馬仙人葉作舟願君期道術攀折可淹留

槐

暮律移寒火春宮長舊栽葉生馳道側花落鳳廷隈
烈士懷忠至鴻儒訪道來何當赤墀下踈幹擬三台

柳

楊柳正氤氳含煙總翠氛檐前花似雪樓際葉如雲
星夜浮龍影春池寫鳳文短簫何以奏攀折爲思君

桐

孤秀嶧陽岑亭亭出衆林春花雜鳳影秋葉弄珪陰
忽被夜風激遂逢霜露侵不因將入爨誰爲作鳴琴

桃

獨有成蹊處紅桃發井傍含風如笑臉挹露似啼粧
隱士顏應改仙人路漸長還欣上林苑千歲奉君王
李

潘岳閒居暇王戎戲陌晨蝶來芳徑馥鶯轉合枝新
葉暗青房晚花明玉井春方知有靈幹特用表真人

梨

擅美玄光側傳芳瀚海中鳳文疎蜀郡花影麗新豐
春暮條應紫秋來葉早紅若今逢漢主還冀識張公

梅

院樹斂寒光梅花獨早芳雪含朝暝色風引去來香
舞袖迴春徑歌塵起畫梁若能長止渴何暇泛瓊漿

橘

萬里盤根植千株布葉繁旣榮潘子賦方曉陸生言
玉騰含霜動金衣逐吹翻願隨潮水曲長茂上林園
靈禽部十首

鳳

有鳥自丹穴其名曰鳳凰九苞應靈瑞五色成文章
屢向秦樓側頻過洛水傍鳴岐今已見阿閣佗來翔
鶴

黃鶴遠聯翩從鸞下紫煙翱翔一萬里來去幾千年
已憩青田側來遊紫禁前莫言空警露猶冀一聞天
烏

日路朝飛急霜臺夕影寒聯翩依月樹迢遞繞風竿
白首何年改清琴此夜彈靈臺如可託千里向長安

鵲

不分荆山抵甘從石印飛危巢畏風急遠樹覺星稀
遠逐行人至愁隨織女歸儻遊明鏡裏朝夕奉光暉

鴈

春暉滿朔方歸鴈發衡陽望月驚竝影排雲結陣行

往還倦南北朝夕苦風霜寄語能鳴伴相隨入帝鄉

鳧

颯沓睢陽浹浮遊漢渚隈錢飛出井見鶴引入琴哀
李陵賦詩罷王喬曳舄來何當歸太液翔集動成雷

鶯

芳樹雜花紅羣鶯亂曉空吟分折柳吹韻叶落梅風
寫轉清歌裏含啼妙管中遷喬苦可冀幽谷響還通

雀

大廈將成日嘉賓集杏梁銜書表周瑞入幕應王祥
暮宿空城裏朝遊漣水傍願齊鴻鵠志希逐鳳凰翔

雉

白雉振朝聲飛來表太平楚郊疑鳳出陳寶若雞鳴
童子懷仁至中郎作賦成幸君看飲啄耿介獨含情
燕

天女伺辰至玄衣澹碧空羌池沐時雨飄颺舞春風
相賀雕楹側雙飛翠幙中莫驚留不去猶冀識吳宮
祥獸部十首

龍

銜燭耀幽都含章擬鳳雛西秦飲渭水東落薦河圖
帶火移星陸騰雲出鼎湖希逢聖人步庭闕奉晨趨

麟

漢時應祥開魯郊西狩廻寄音中鐘呂成角喻英才
畫象臨仙閣藏書入帝臺莫驚今吐哺爲覩鳳凰來

象

鬱林開郡畢睢陽作貢初萬推方演夢惠子正焚書
執燧奔吳域量舟入魏墟六牙行致遠千葉奉高居

馬

天馬來從東嘶驚御史驄蒼龍遙逐日紫燕迴追風
明月承鞍上浮雲落蓋中得隨穆天子何暇唐成公

牛

商歌初入相燕陣早橫功欲向桃林下先過梓樹中
在吳頻喘月奔楚屢驚風不降五丁士如何九折通

豹

車法肇隆周颯文闡大猷還將君子變來蘊太公謀
委質超羊羴飛名列虎侯若今逢霧露長隱南山幽

熊

導洛宜陽右乘春別館前昭儀匡漢日太傅翊周年
列射三侯滿輿師七步旋莫言舒紫褥猶冀飲清泉

鹿

涿野開中冀秦原闢帝圻柰花開舊苑萍葉吐前詩

道士乘仙日先生折角時方懷丈夫志抗手別心期

羊

跪飲懲澆俗行驅夢逸材仙人擁石去童子馭車來
夜玉含星動晨毛映雪開莫言鴻漸力長牧上林隈

兔

上蔡鷹初擊平岡兔不稀日隨槐葉長形逐桂條飛
漢月澄秋色梁園映雪暉唯當感純孝郭郭引兵威

百二十詠卷上

李嶠雜詠百二十首下目錄

居處部十首

城門市井宅池樓橋舟車

服玩部十首

床席帷簾屏被鏡扇燭酒

文物部十首

經史詩賦書檄紙筆硯墨

武器部十首

王劒刀箭弓弩旌旗戈鼓彈

音樂部十首

音琴瑟琵琶箏鐘簫笛笙歌舞

玉帛部十首

瓦珠玉金銀錢錦羅綾素布

文錦部十首

文錦部十首

文錦部十首

文錦部十首

文錦部十首

文錦部十首

李嶠雜詠百二十首下目錄終

李嶠雜詠

居處十首

城

四塞稱天府三河建洛都飛雲滿城闕白日麗牆隅
獨下仙人鳳羣驚御史烏何辭一萬里邊檄拒匈奴

門

赫赫彤闈敞煌煌紫禁隈阿房萬戶列閶闔九重開
疏廣遺榮去于公待詔來誰知金馬路方朔有奇才

市

闐闐開三市旗亭起百尋漸離初擊筑司馬正彈琴

細柳龍麟照長槐
兔目陰徒知觀衛
玉誰肯扒秦金井

玉登談仙客銅臺
賞魏君蜀都宵映
火杞國旦生雲
向日蓮花淨含風
李樹薰已開千里
國還協五星文宅

寂寂蓬蒿徑喧喧
湫隘廬屢逢長者
轍時引故人車
孟母卜隣罷將軍
辭第初誰憐草玄
處獨對一牀書池

日落天泉暮煙虛
習池靜鏡潭明月
輝錦磧流霞景
花搖仙鳳色雲浮
濯龍影欲識江湖
心秋來賦潘省

樓

百尺重城際千尋
大道隈落星臨畫
閣井幹起高臺
舞隨綠珠去簫將
弄玉來銷憂乘暇
日誰識仲宣才

橋

烏鵲填應滿黃公
去不歸色疑虹始
見形似鴈初飛
巧作七星影能圖
半月輝卽今滄海
晏無復白雲威

舟

征棹三江暮連檣
萬里廻相烏風處
轉畫鷁浪前開
羽客乘霞至仙人
弄月來方今同傳
說飛檝巨川隈

車

天子馭金根蒲輪闢四門五神趨雪路雙轍似雷奔
丹鳳栖金轄飛熊載寶軒無階忝虛左先乘奉王言
服玩部十首

牀

傳聞有象牀疇昔薦君王瑋瑁千金起珊瑚七寶裝
桂筵含栢馥蘭籍拂沈香願奉羅帷夜長承秋月光

席

避坐承宣父重趨揖戴公桂香浮半月蘭氣襲同風
舞拂丹霞上歌清白雪中佗將文綺色舒卷帝王宮

帷

久閉先生戶高褰太守車羅將翡翠合錦逐鳳凰舒
明月彈琴夜清風入幌初方知決勝策黃石遺兵書

簾

曉風清竹殿初日映秦樓曖曖籠珠網纖纖上玉鉤
窗中月影入戶外水精浮巧作盤龍勢長從飛燕遊

屏

洞徹琉璃敞威紆屈膝廻錦中雲母列霞上織成開
山水含春動遊仙倒景來修身行竭節誰辨作銘才

被

桂友尋東閣蘭交聚北堂象筵分錦繡羅薦合鴛鴦

桃李同歡密塵泥別恨長孔懷欣共寢花萼幾含芳

鏡

明鏡拂塵埃含情朗魏臺月中烏鵲至花裏鳳凰來
玉彩疑冰徹金輝似日開方知樂彥輔自有鑒人才

扇

翟羽舊傳名蒲葵實曉清花輕不隔面羅薄障誰聲
逐暑含風轉臨秋帶月明還取同心契特表合歡情

燭

兔月清光隱龍盤畫燭新三星花入夜四序玉調辰
吐翠依羅幌浮香而綺茵若逢燕相國特用舉賢人

酒

孔坐浴良儔陳筵幾獻酬臨風竹葉滿湛月桂香浮
每接高陽宴屢陪河朔遊會從立石飲高卧出圓邱

文物部十首

經

漢室鴻儒盛鄒堂大義明五千道德闡三百禮儀成
青紫方拾芥黃金徒滿籛誰知懷逸辨重席挫羣英

史

馬記天官設班圖地理新談立方壘壘文質乃彬彬
方朔初還漢荆軻昔向秦正辭堪載筆終冀作良臣

詩

都尉雙鳧遠梁王駟馬來扇中紈素裂機上錦文迴
天子三章傳陳王七步才緇衣行擅美祖德信悠哉
賦

布義孫卿子登高楚屈平銅臺初下筆平樂正飛纓
乍有凌雲氣時聞擲地聲造端恆體物無復大夫名

書

削簡龍文見臨池鳥跡舒河圖八卦出洛字九疇初
垂露春花滿崩雲骨氣餘請君看入木一寸信非虛

檄

羽檄本宣明由來激木聲聯翩通漢國迢遞入燕營
毛義奉書去張儀韜壁征頭風雖覺愈陳草未知名

紙

妙跡蔡侯施芳名古伯馳雲飛錦綺落花發縹紅披
舒卷隨幽顯廉方合軌儀莫驚反覆手當取葛洪規

筆

握管門庭側含毫山水隈霜暉簡上發錦色夢中開
鸚鵡摛文至麒麟絕句來何當遇良史左右振奇才

硯

左思裁賦日王充作論年光隨錦文散形帶石巖圓

積潤修毫裏開冰小學前君苗徒見藝誰識士衡篇
墨

長安分石炭上黨作松心繞畫蠅初落含滋綬更深
素絲光易染阜壘映逾沈別有張芝學書池幸見臨

武器部十首

我有昆吾劍來趨天子庭白虹時切玉紫氣早干星
鏘上蓮花動匣中霜雪明倚天持報國畫地取雄名
列辟鳴鑿至惟良佩犢旋帶環疑寫月引鏡似含泉

割錦紅鮮裏含毫彩筆前莫驚開百練輒擬定三邊

桃文稱避惡桑質表初生婉轉瑠韃際還如半月明
空鸞落鴈影虛引怯猿聲徒切烏號思攀龍遂不成

漢郊初飲羽燕城忽解圍影隨流水急光帶落星飛
夏列三成軌堯沈九日暉斷蛟雲夢澤希爲識忌歸

挺質本軒皇申威振遠方銅牙流曉液玉彩耀星芒
高鴈行應盡玄猿坐見傷蘇秦六百步持此說韓王

旌

告善樓臺側求賢市肆中擁旄分彩雉持節曳丹虹
影麗天山雪光搖朔塞風方知美周政懸旆闔車攻
夏旆旗

桂影承宵月虹輝接曙雲縱橫齊八陣舒卷列三軍

日蕩蛟龍影風翻鳥獸文誰知懷勇志盤地幾繽紛

戈

富父春喉日殷辛泛杵年曉霜白含刃落影駐瑠鈿
夕儻金門側朝提玉塞前願隨龍影度橫陣葦雲邊

鼓

舜日諧蕤響堯年韻土聲向樓疑吹擊震谷似雷驚
仙鶴排門起靈鼉帶水鳴樂云行已奏禮也冀相成

彈

俠客遠相望佳遊滿帝鄉共持蘇合彈來此傍垂楊
金落疑星影珠流似月光莫欣黃雀至須憚微軀傷

音樂部十首

琴

名士竹林隈鳴琴寶匣開風前中散至月下步兵來
淮海魯爲室梁岷舊作臺子期如可聽山水響餘哀

瑟

蒼祇初制法素女昔傳名流水潛魚聽聚臺舞鳳驚
嘉賓歡未極君子樂相并儻入邱之戶應知由也情

琵琶

裁規勢漸團鑠質本多端半月分絃出蓂花拂面安
將軍曾入賞司馬屢飛觀唯有胡中曲希君馬上彈

箏

蒙恬芳軌設遊楚清音列形通天地規絃寫陰陽節
鄭音既寥亮秦聲復悽切君聽陌上桑爲辨羅敷潔

鐘

既接南鄰磬還隨北里笙平陵通曙響長樂驚宵聲

秋至含霜動春歸應律鳴欲知恆待扣金篴有餘鏗

簫

虞舜調清管王褒賦雅音參差橫鳳翼搜索動猿吟
靈鶴時來致仙人幸見尋爲聽楊柳曲行役幾傷心

笛

羌笛寫龍聲長吟入夜清關山孤月下來向隴頭鳴
逐吹梅花落含春柳色驚行觀向子賦坐憶鄰人情

笙

懸匏曲沃上孤篠汶陽隈形寫歌鸞翼聲隨舞鳳哀
歡娛自北里純孝卽南陔今日虞音奏蹒蹒鳥獸來

歌

漢帝臨汾水周仙去洛濱
郢中吟白雪梁上繞飛塵
歌發行雲駐聲嬌子夜新
願君聽扣角當自識賢臣

舞

妙妓遊金谷佳人滿石城
霞衣席上轉花袖雪前明
儀鳳諧清曲迴鸞應雅聲
非君一顧重誰賞素腰輕

玉帛部十首

珠

粲爛金琪側玲瓏玉殿隈
昆池明月滿合浦夜光開
彩逐靈虵轉形隨舞鳳來
誰憐被褐者懷寶自多才

玉

映廡先過魏連城欲向秦
洛京連勝友燕趙類佳人
芳圻晴虹媚常山瑞馬新
徒爲卞和識不遇楚王珍

金

南楚標前貢西秦識舊城
祭天封漢氏擲地響孫聲
向日披沙淨含風振鐸鳴
方同楊伯起獨有四知名

銀

思婦屏暉掩遊人燭影長
玉壺新下箭桐井舊安牀
色帶長河色光浮滿月光
靈山有玲瓏仙闕薦明王

錢

漢日五銖建姚年九府流天龍帶泉寶地馬列金溝
趙壹囊初乏何曾筋欲收金門應入論玉井冀來求
錦

漢使巾車送河陽步障新雲浮仙石曉霞滿蜀江春
色美迴文妾花輕縮墨寶若逢朱太守不作夜遊人

羅

妙舞隨裙動嬌歌入扇清蓮花依帳發秋月鑿帷明
雲薄衣初卷蟬飛翼轉輕若珍三代服同擅綺紈名

綾

金縷通秦國爲衾值漢君落花遙寫霧飛鶴近圖雲

色帶冰綃影光含霜雪文何當畫秦女煙霧出氛氲

素

濯手天津女纖腰洛浦妃魚腸遠方至鴈足上林飛
礎杵調風響綾紈寫月暉非君下山路誰賞故人機

布

潔績創羲皇緇冠表素王曝泉飛掛鶴浣火有炎光
孫被登三相劉衣闢四方仁因春斗粟來穆採花芳

疑焉故校而傳之己未小重陽日天瀑識
張庭芳序撰於作註時朗詠集註往往引百詠註
而今已亡爰據原本仍冠其序於首宋志載庭芳
註哀江南賦而不及此註則逸亡之久可知焉天
瀑又識而錄亦庶乎其中然於樓中詩甚多豈
錯良韻賦書谷門而單計本錄川蓋於矣又錄中
錄背誦以別韻來輯本不一而足亦好中似其舊
中藥甚喜此特案錄可補至對童樂受於蕭香亦必
李懷公辭稿二卷如蘇百篇如蘇百二十篇 皇朝
李嗣百補編

